

## STATISTIČKE INFORMACIJE O RADU NA PREDMETIMA RATNIH ZLOČINA

Izvršajni period: 1.1.2024. godine do 31.12.2024. godine

Pred Okružnim sudom u Trebinju u toku su suđenja u predmetima broj:

1. 15 0 K 004280 22 K, protiv optuženog Elez Ilije, zbog krivičnog djela Ratni zločin protiv civilnog stanovništva iz člana 142. st. 1. KZ SFRJ. Dana 16.1.2024. održan je nastavak glavnog pretresa na kome je saslušan svjedok optužbe F.H. Nastavak glavnog pretresa zakazan je za dan 5.3.2024. godine na koji je pozvan jedan svjedok. Predsjednik vijeća je u međuvremenu uputio zamolnicu Ministarstvu pravde BiH za pružanje međunarodne pravne pomoći u vidu saslušanja četiri svjedoka koji žive van teritorije BiH. Dana 5.3.2024. godine održan je nastavak glavnog pretresa na kome je konstatovano da svjedok Š.S. nije uredno primio poziv. Javni tužilac je dostavio podnesak sudu u kome je naznačio novu adresu svjedoka N.R. Nastavak glavnog pretresa zakazan je za dan 12.4.2024. godine u 12,00 časova. Dana 12.4.2024. godine saslušan je oštećeni svjedok N.R. te je pročitana izjava svjedoka Š.C.. Odbrana je predložila da izvede dokaze saslušanja dva svjedoka i vještaka psihijatra. Dana 18.6.2024. godine održan je nastavak glavnog pretresa na kome su saslušani svjedoci predloženi od strane odbrane i to S.D. i M.O. te vještak profesor doktor D.J. neuropsihijatar iz Foče. Nastavak glavnog pretresa zakazan je za dan 3.9.2024. godine u 11 i 30 časova. Dana 3.9.2024. godine održan je nastavak glavnog pretresa na kome je branilac opuštenog predajom pisanog dokaza završio sa izvođenjem dokaza odbrane. Sud se vratio u fazu izvođenja dokaza optužbe nakon čega je javni tužilac predao u spis materijalne dokaze predložene optužnicom. Kako još nije stigao odgovor povodom zamolnice za međunarodnu pravnu pomoć glavni pretres je odložen na neodređeno vrijeme.
2. 15 0 K 005972 23 K, protiv optuženih Rajka Vojvodića i Milutina Đilasa, zbog krivičnog djela Ratni zločin protiv civilnog stanovništva iz člana 142. st. 1. KZ SFRJ. Dana 16.1.2024. godine održano je pretpretresno ročište na kojem su dogovorena pitanja koja su od značaja za održavanje glavnog pretresa. Utvrđena je dinamika suđenja i dogovoren termin održavanja glavnog pretresa na kome će biti pročitana optužnica, date uvodne riječi i saslušana dva svjedoka predložena optužnicom. Glavni pretres zakazan je za dan 27.2.2024. godine u 11:30 časova. Dana 27.2.2024. godine, sud je donio rješenje da se isključi javnost cijelog glavnog pretresa radi zaštite morala i zaštite ličnog i intimnog života oštećenih. Na početku glavnog pretresa pročitana je optužnica i date uvodne riječi stranaka i branilaca. Saslušana su dva svjedoka i to H.U. i E.K. Nastavak glavnog pretresa zakazan je za dan 5.4.2024. godine, na kome su saslušana dva svjedoka i to svjedok sa pseudonimom „B“ i svjedok S.M. Nastavak glavnog pretresa zakazan je za dan 24.5.2024. godine na kome su trebala biti saslušana još dva svjedoka. Dana 1.10.2024. godine održan je nastavak glavnog pretresa na kome je saslušan zaštićeni svjedok sa pseudonimom „A“ putem videolinka iz suda Bosne i Hercegovine. Nastavak glavnog pretresa zakazan je za dan 13.11.2024. godine

u 11:30 časova na kome je javni tužilac izveo materijalne dokaze i time okončao izvođenje dokaza optužbe. Zatim je uslijedilo izvođenje dokaza odbrane. S tim u vezi, branilac optuženog Milutina Đilasa je predao vijeću jedan pisani dokument. Branilac optuženog Rajka Vojvodića je izveo dokaz saslušanja svjedoka V.V.. Predsjednik vijeća je objavio da je dokazni postupak završen, te je zakazao nastavak glavnog preresa za dan 10.12.2024. godine u 11,00 časova na kome su stranke i branioci izlagali završne riječi, nakon čega je predsjednik vijeća konstatovao da je glavni pretres u ovom krivičnom predmetu završen te je saopštio prisutnim da će presuda biti javno objavljena dana 13.12.2024. godine u 12:30 minuta. Dana 13.12.2024. godine izrečena je i javno objavljena presuda kojom je optuženi Milutin Đilas oglašen krivim da je počinio krivično djelo Ratni zločin protiv civilnog stanovništva iz člana 142. st. 1. KZ SFRJ i osuđen je na kaznu zatvora u trajanju od 4 godine, dok je optuženi Rajko Vojvodić oglašen krivim da je počinio krivično djelo Ratni zločin protiv civilnog stanovništva iz člana 142. st. 1. KZ SFRJ i osuđen na kaznu zatvora u trajanju od 2 godine.

3. 15 0 K 004152 24 K2, protiv optuženog Predraga Lažetića zv. Pele, zbog krivičnog djela Ratni zločin protiv civilnog stanovništva iz člana 142. st. 1. KZ SFRJ. Navedeni predmet se vodi pred ovim sudom od 2019. godine. Dana 25.4.2023. godine sud je donio i javno objavio presudu kojom je optuženog Predraga Lažetića oglasio krivim što je kršeći pravila međunarodnog prava za vrijeme oružanog sukoba prema civilnom stanovništvu vršio nečovječna postupanja i povrede tjelesnog integriteta, čime je počinio krivično djelo Ratni zločin protiv civilnog stanovništva iz člana 142. stav 1. KZ SFRJ, pa ga sud na osnovu istog zakonskog propisa, uz primjenu odredbi člana 41. stav 1. tačka 2. i člana 43. stav 1. tačka 1. KZ SFRJ, osuđuje na kaznu zatvora u trajanju od 2 (dvije) godine i 6 (šest) mjeseci. Uložena žalba je od strane branioca optuženog i od OJT Trebinje. Vrhovni sud RS uvažio je žalbu branioca optuženog i predmet je vratio ovom sudu na ponovni postupak. Otvorena je nova faza postupka. Dana 5.4.2024. godine održano je pretpretresno ročište na koje su pristupili optuženi Predrag Lažetić, branilac optuženog i Okružni javni tužilac. Na ročištu je predsjednik vijeća upoznao prisutne sa rješenjem VSRS br 15 0 K 004132 23 Kž3 od 20.2.2024. godine. Glavni pretres je zakazan za dan 16.5.2024. godine na kome je javni tužilac izjavio da nema novih dokaznih prijedloga u odnosu na već izvedene dokaze tokom ranijeg postupka. Branilac optuženog je predložio da se u ponovljenom postupku saslušaju novi svjedoci odbrane i da mu je za izvođenje tih dokaza potrebno dva ročišta. Predsjednik vijeća je konstatovao da je prihvaćen sav dokazni materijal koji je izveden na ranijem pretresu. Sud je potom utvrdio termine narednih pretresa na kome će se saslušati svjedoci predloženi od strane odbrane i to dana 20.6.2024. godine na kome će se saslušati tri nova svjedoka, te dana 28.06.2024. godine na kome će se saslušati još tri nova svjedoka. Dana 20.6.2024. godine održan je nastavak glavnog pretresa na kojem je saslušan svjedok predložen od strane odbrane Dž.Č. Pozvana su još dva svjedoka, od kojih jedan nije primio poziv, sa natpisom dostavljača da je preminuo o čemu će sud tražiti službeno potvrdu, dok drugi svjedok nije primio poziv. Dana 2.10.2024. godine održan je nastavak glavnog pretresa na kome su izvedeni dokazi odbrane. Branilac optuženog predao je u spis jedan materijalni dokaz te je predložio da se na narednom glavnom pretresu koji će se održati 1.11.2024.godine ponovo pozovu svjedoci M.V. i A.B. Sud je poslao poziv navedenim svjedocima, isti se nisu odazvali i to iz razloga što je svjedok M.V. spriječen zbog bolesti o čemu je dostavio medicinsku dokumentaciju, dok je poziv svjedoku A.B. neuredan sa

napomenom dostavljača da se svjedok preselio na drugu adresu, te je poziv za 1.11.2024. godine upućen na novu adresu svjedoka. Dana 4.12.2024. godine održan je nastavak glavnog pretresa na kome su saslušana dva svjedoka odbrane i to M.V. i A.B.

4. 15 0 K 004223 24 K3, protiv optuženog Milić Radomir zv. Mića, zbog krivičnog djela Ratni zločin protiv civilnog stanovništva iz člana 142. st. 1. KZ SFRJ. U navedenom predmetu nastavak glavnog pretresa zakazan je za dan 1.2.2024. godine, na kome je trebalo da se sasluša jedan svjedok. Suđenje je odloženo iz razloga što nije realizovan video link zbog tehničkih problema. Predsjednik vijeća je upoznao prisutne sa službenom zabilješkom koju je sačinio IKT službenik ovog suda vezanu za uspostavljanje video konferencijske veze. Nastavak glavnog pretresa zakazan je za dan 1.3.2024. godine u 12:30 časova te je naloženo strankama i braniocu da pripreme završne riječi. Dana 16.2.2024. sudu je dostavljen Zahtjev da se odloži nastavak glavnog pretresa zbog već zakazane medicinske intervencije braonica optuženog o čemu je i priložena medicinska dokumentacija. Sud je isti zahtjev uvažio, te zakazao nastavak glavnog pretresa za dan 28.3.2024. godine. Dana 28.3.2024. godine branilac i stranke su iznijele završne riječi, te je predsjednik vijeća konstatovao da je završen glavni pretres. Dana 2.4.2024. godine vijeće Okružnog suda u Trebinju je donijelo i javno objavilo presudu kojom je optuženog Radomira Milića oslobodio od optužbe da je počinio krivično djelo Ratni zločin protiv civilnog stanovništva iz člana 142. stav 1. u vezi sa članom 22. KZ SFRJ, usljed nedostatka dokaza. Na presudu Okružnog suda u Trebinju žalbu je uložilo Okružno javno tužilaštvo u Trebinju dana 23.5.2024. godine. Predsjednik vijeća je dostavio dana 10.6.2024 godine Vrhovnom sudu Republike Srpske cio spis na nadležnost. Rješenjem Vrhovnog suda Republike Srpske od 5.7.2024. godine uvažena je žalba okružnog javnog tužioca u Trebinju i ukinuta je presuda ovog suda od 2.4.2024. godine te je predmet vraćen Okružnom sudu u Trebinju na ponovno suđenje. Dana 19.11.2024. godine održan je ponovljeni glavni pretres u ovom krivičnom predmetu na kome je predsjednik vijeća saopštio da će sud prihvatiti sve dokaze koje su se izveli na ranijem pretresu. Od novih dokaza, javni tužilac je predložio da se saslušaju do sada nedostupni svjedoci S.M. i I.H., dok je branilac optuženog predložio da se u fazi izvođenja dokaza odbrane sasluša optuženi kao svjedok. Pretres je odložen na neodređeno vrijeme i to dok se ne utvrdi trenutno boravište predloženih svjedoka optužbe.